



Inatsisartunut ilaasortaq
Akitsinguaq Olsen
Maani

Akissut §37.1, 042/2012 Antibiotika

Kalaallit Nunaanni antibiotikamik atuisarneq pillugu apeqqutinnut qujavunga, ataasiakkaarlugillu tulliini akissavakka.

- 1) Antibiotika pillugu politikki suna Kalaallit Nunaani peqqinnissaqarfiani atuuppa, sullitanullu antibiotika atorneranut tunngasuni Naalakkersuisut anguniagaat pineqartumi qanoq isikkoqarpa?

Danmarkimi peqqinnissaqarfimmi antibiotikamik nakorsaasarnerni najoqqutari-neqartut Kalaallit Nunaanni nalinginnaasumik atorneqartarput. Antibiotikamik atuisarnermi danskit najoqqutarisartagaat sakkortoorujussuupput, Danmarkimilu nunani avannarlerni allanisut innuttaasut agguaqatigiissillugu annikitsuinnarmik antibiotikamik atuisarput, antibiotikamillu bakterissanik assigiinngitsunik ataatsikkut akiuisartunik peqqinnissaqarfinniit annikitsuinnarmik tunisisoqartarpoq.

Naalakkersuisut isumaqarput antibiotikat eqqortumik atorneqartassasut, inunnilu antibiotikamik atuivallaarsimaneq annikippallaamillu atuisimaneq ajortumik kinguneqartitsisinnaasoq.

Tamatuma iluani Naalakkersuisut anguniagaraat antibiotika aatsaat peqqinnissa-qarfimmiit tunniunneqartassasoq nappaat akiorniarneqartoq pisariaqavissumik akiorniarneqassappat nakorsaanerullu sivisussusaa annertuumik sivikillisinne-qassappat. Ilutigalugu antibiotikap atorneratigut bakterissat antibiotikamut akiuussinnaalernissaat sapinngisamik angunaveersaarlugu, tassa imaappoq anti-biotika peqqutissaqarsorivikkaanni aatsaat tunniunneqartassaaq, antibiotikallu aalajangersimasup eqqortumik qinerneqartigut, annertussusiata eqqortup piffissal-lu atorfissaata eqqortup qinerneqartigut.

Anguniakkap taassuma qinerneqarneranut peqquataavoq bakterissat antibiotoka-mut akiuussinnaalernerat tamatigunngajak atuivallaarnikkut pinngortarmat, kuk-kusumik atuineramik peqquteqartumiik, kukkusumik annertussusiliinikkut, sivi-kiippallaamik sivisuallaamilluunniit piffissaliinikkut kiisalu antibiotikamik bakte-rissanut ataatsikkut arlalippassuarnut sunniisartumik atuinikkut.

Tassa taamaattumik antibiotika bakteriamik nappaammik pilersitsisumuinnaq akiuisinnaasoq sapinngisamik qinerneqartarpoq, bakterissallu nalinginnaq timit-sinniittuartut, soorlu erlavitsinniittut, pinnagit. Aamma sapinngisamik nakorsaaitit (soorlu Penicillinit nalinginnaat) bakterissanut assigiinngitsunut ikittuinnarnut

13. feb 2012
Sagsnr. 2012-061253
Dok. Nr. 825618

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

akiuisinnaasut qinerneqartarput, soorlulu nakorsaait, soorlu Penicillinat bakterisanut ataatsikkut arlalippassuarnut akiuisinnaasut, qinernaveersaarneqartartut.


- 2) Nunani avannarlerni kisitsisitigut naatsorsutini Kalaallit Nunaat naammatumik peqataatinneqarpa, Naalackersuisullu anguniagaat pineqartumi qanoq isikkoqarpat?

Kalaallit Nunaat nunat avannarliit nakorsaatinik naatsorsueqqissaartarnerinut arlalippassuartigut ilaanngittarnera eqqorpoq. Nunat avannarliit assigalugit nunatsinni nunarput tamakkerlugu inuit normui atorlugit nakorsaatinik naluaarsuiffeqanngilaq. Nunarput tamaat isigalugu antibiotikanik nunatsinnut eqqutat annerussusiat taamaallaat tunngavigisariaqarparput.

Taamaattumillu antibiotikanik atuisarnerit ineriartornerinik nunat avannarliit assigalugit nalilersinnaanngilagut, soorlu ukioqatigiikkuutaani, imaluunniit nunap immikkoortuini tunniussisarnerit assigiinngissusaat imaluunniit inuit ataasiakkaat immikkut tamarmik qanoq annertutigisumik ukiumut antibiotikatortinneqartarnersut.

Naalackersuisut anguniagaraat nunat avannarliit assigalugit nakkutiginnissinnaanermut periarfissaqarsinnaaneq, tamannami nunani avannarlerni ukiorpassuit atorneqareersimammat. Qitiusumik nakorsaatinik nalunaarsuiffik iluaquterpassuaqassaaq, nalunaarsuiffeqalernissarlu peqqinnissaqarfiup kissaataasa annerit ilagaat. Tamannali ullumikkut periarfissaqanngilaq, elektroniskimilli napparsimasut nalunaarsorneqartalernissaat utaqqineqartariaqarluni.

Inussiarnersumik inuulluaqqusillunga


Agathe Fontain



31. januar 2012

Inatsisartut suleriaasianni § 37 naapertorlugu Naalackersuisunut apeqqutit imaattut saqqummiup-pakka:

Naalackersuisunut apeqqutit:

- 1) Antibiotika pillugu politikki suna Kalaallit Nunaani peqqinnissaqarfiani atuuppa, sul-litanullu antibiotika atorneranut tunngasuni Naalackersuisut anguniagaat pineqar-tumi qanoq isikkoqarpa?
- 2) Nunani avannarlerni kisitsitigut naatsorsuutini Kalaallit Nunaat naammattumik pe-qataatinneqarpa, Naalackersuisullu anguniagaat pineqartumi qanoq isikkoqarpat?

Tunngavilersuut:

Nunani Avannarlerni Siunnersuisoqatigiit Ataatsimiinnerini 2011-imi København-imi peqa-taaninni ataasingorneq 31. oktober 2011 «One Health – Bæredygtig sundhed» (Peqqis-suseq ataaseq – Nungusaataangitsumik peqqinneq)-mi peqataavunga.

Pisumi nunani avannarlerni One Health takussutissiivoq tunngaviusumik nungusaataann-gitsumik peqqissuseq nunarsuaq tamakkerlugu ingerlateqqinneqarsinnaalluortoq. Ilisima-neqartut *One Health* takussutissaavoq inuit uumasullu nappaataasa avatangiisinut ata-qatigiissumik sunniuteqaqatigiittarnerisa kingunerisartagaanik nassuerutiginninneq.

Ataatsimiinnermi maluginiarpara nunani avannarlerni tamatigoortumik antibiotika-nik atui-nerit appasinnerpaaffianiititsinissanik siunnerfeqarnerit sulissutigineqartut, sapinngisamillu antibiotika akukinnerpaat atorneqarnissaat sulissutigineqarlutik, tamatumani bakterissat antibiotika-mut akiuussutissaqalersartut minnerpaaffissamiitinnissaat anguniarlugu. Ilaatigut Europa Kujataani bakterissat antibiotika-mut akiuussinnaalersimasut ajornartor-siutaalersut peqqutaaqataallutik iliuuseqarnissamik suliniuteqartoqarluni.

Tassungalu atatillugu ersarissaaqqusivunga Kalaallit Nunaani innuttaasunut sullitanut antibiotika-mik atuinnermi peqqinnissaqarfinni qanoq inissisimasoqarneranik.

Nunani Avannarlerni Siunnersuisoqatigiinni suliaqarninni maluginiarpara Kalaallit Nunaani pissutsit kisitsisini arlalitsigut ilanngunneqarneq ajormata. Kalaallit Nunaat nunani avan-narlerni suleqatigiinnermi peqataavoq, nunanilu avannarlerni allatulli Kalaallit Nunarput naliigiisitaalluni kisitsisini ilanngunneqartariaqarpoq.

Ullut suliffiusut qulit iluanni akineqarnissara kissaatigaara.

Akitsinguaq Olsen, Siumut